

SAKSUTGREIING

Aurland fjellstyre

Møtedato: 7.mars 2024

Stad: Fjordsenteret

Sak 15/24. Retningslinjer for elg- og hjortejakta i Aurland statsallmenning

Saksopplysningar:

Sist gong me gjekk gjennom Retningslinene for elg og hjortejakta i Aurland statsallmenning var i 2016. Norges fjellstyresamband reviderte «Generelle bestemmelser vedrørende elg-og hjortejakt i statsallmenning» i 2023. Meininga med slike generelle bestemmelsar er å få mest mogleg like vilkår for alle som søker om jakt på statsallmenningane i Noreg. Når me lagar egne retningslinjer for elg og hjortejakt på Aurland statsallmenning prøver ein å kombinera lokale og generelle bestemmelsar.

Vurdering

Punkt 1 Søknad tildeling og trekking underpunkt a) og b) forenkler ein teksten og poengterer at tildeling av jakt på statsallmenning er eit enkeltvedtak og då har ein klagerett. Underpunkt f) meir detaljert om dagskortjakt. Eg føresler å ta inn eit nytt underpunkt g) Det gjeld avtalen Aurland fjellstyre har med Breisnes, den har ikkje vore med i lokale retningslinjer før.

Punkt 2 jaktlag og samansetning er lik i lokale retningslinjer som under revideringa i 2016, det er nokre avvik i forhold til generelle retningslinjer men det er der det lokale fjellstyret kan gjera egne vedtak, for eksempel c) der me sist bestemte at jaktlaga skal bestå av minimum ein jeger pr. tildelt fellingsløyve.

Punkt 3 Under jakt, er det stort sett forenkling av teksten, som og har vorte gjort i generelle bestemmelsar.

Punkt 4 Veging/ kontroll her er det egne lokale retningslinjer som gjeld. Her har eg justert gjennomsnittvektene på vaksen bukk ned 2 kg, endra datoen for betaling av grunnavgift og poengtert at me ikkje har bruk for anslåtte slaktevekte. Gjennomsnittvektene har vorte justert ned etter gjennomgang av slaktevekte dei 10 siste åra. Flytting av datoen for betalt grunnavgift passar betre med utsending av anna informasjon som gjeld den aktuelle jaktseasonen. Poengteringa på at me må ha nøyaktige slaktevekte er noko

som kjem fordi ein gjennom mellom anna bruken av statistikk i hjorteviltforvaltninga kan lesa kondisjonen i stamma ut av slaktevekte.

Punkt 5 Ved jaktslutt stryk ein siste punkt som gjeld fjellstyret sin rapportering til jaktlaga, det ligg på Hjorteviltregisteret.

Framlegg til vedtak:

Aurland fjellstyre vedtek vedlagte Retningslinjer for elg og hjortejakt i Aurland statsallmenning.

Fjordsenteret 1/3-2024

Sign.

Håkon Øydvin

Vedlegg:

-Retningslinjer for elg og hjortejakt i Aurland statsallmenning - med forandringar merkt med raudt.

-Avtale frå 2015 om oppretting av felles vald mellom Aurland fjellstyre og Breisnes.

Retningslinjer elg og hjortejakt i Aurland statsallmenning.

Endringar er gjort med raudt, overstryking betyr att teksten skal ut.

1. Søknad, tildeling og trekning.

- a) Tildeling på jaktfelt 1 skjer ved loddtrekning (~~innan 15. mai~~) mellom jaktlag som har søkt innan ein fastsett frist (2.mai). ~~Offentleggjing av trekningsresultatet vil skje på internett seinast innan klokken 18.00 på fylgjande arbeidsdag.~~ Lag og personar som har fått tildelt jakt vil bli tilskrivne. ~~Lag som har fått tildelt jakt må gi tilbakemelding innan 10. juni.~~
- b) Fjellstyret skal så raskt som mogleg etter tildeling oversenda kontrakten for underskrift. Før jakta skal jaktlaget få tilsendt nødvendige dokument vedrørende jaktfeltet. ~~Tildeling av jakt på statsallmenning er eit enkeltvedtak og kan påklagast fjellstyret innan 3 veker etter offentliggjering av trekningsresultat.~~
- c) Innanbygds jaktlag kan få ein viss fortrinnsrett til jaktfelt. Grunnregelen er at 60 % av fellingsløyva kan tildelast innanbygdsbuande¹. Dispensasjon til anna fordeling kan bli gjeve av Miljødirektoratet.
- d) Innanbygds og utanbygds jaktlag kan søkja på alle jaktfelt, men utanbygds jaktlag kan berre få innanbygds felt når desse ikkje har innanbygds søkjarar. Jaktfelt 1 nede ved fjorden er prioritert for utanbygds søkjarar.
- e) Elg- og hjortejakt i statsallmenning kan som hovudregel berre leigast bort til privatpersonar. Dette punktet er likevel ikkje til hinder for at fjellstyret kan leiga ut jakta til Aurland jakt og fiskelag. Eit jaktlag kan som hovudregel berre leiga eitt jaktfelt på statsallmenning/statens grunn, årleg¹.
- f) Fjellstyret ~~kan~~ har opna for å selja dagskort på hjortejakt, ~~søknadsfrist 1.oktober.~~ Dagskortjakt frå 1.november til jaktslutt. Kun jakt på kalv og ungdyr i utvida jaktperiode, januar. Ein kan leiga ut til inntil to jaktlag i veka.
- g) Aurland fjellstyre har avtale med grunneigar på Breisnes datert 27.april 2015. Breisnes får eit fellingsløyve og tilgang til jaktterreng ovanfor garden, innteikna på kart frå viltnemda i 1985. Etter 1. november kan jaktlaga som leiger jakt hjå fjellstyret jakta på eigedomen til Breisnes.

2. Jaktlag og samansetning

- a) Jaktlag er å sjå som innanbygds dersom fleire enn halvparten av jaktlagets medlemmer, inklusive jaktleiar, er busett (registrert i folkeregisteret) i kommunen jaktfeltet ligg. Kravet må vera oppfylt når søknadsfristen går ut.
- b) Ein jeger kan berre vera medlem i eitt jaktlag.
- c) Jaktlaga skal bestå av minimum ein jeger pr tildelt fellingsløyve.
- d) Søknad om endringar i jaktlaget sin samansetnad etter at jaktlaget er tildelt jaktfelt, skal skje skriftleg til fjellstyret.
- e) Den som i løpet av dei siste 3 åra er rettskraftig dømd til straff, eller har vedteke førelegg for brot på viltlov m/forskrifter, kan utelatast for elg- og hjortejakt på statsallmenning/statens grunn. Dersom det i ettertid viser seg at jaktlaget eller nokon av medlemmane ikkje oppfyller dei fastsette krava til å søkja på elg/hjortejakt i statsallmenning, kan kontrakten hevast, og jaktfeltet tildelast eit anna jaktlag.
- f) Oversikt over kva som skal dokumenterast, skal sendast jaktlaget saman med leigekontrakt. Jaktlaget skal sende inn nødvendig dokumentasjon på at

offentlege og fjellstyret sine krav som er sette for å delta under jakta er oppfylte for samtlige deltakarar på jaktlaget. Slik dokumentasjon skal føreligga før underskriven kontrakt blir returnert jaktlaget.

3. Under jakt

- a) Under jakta skal fylgjande dokument takast med:
 - Kontrakten, med vedlegg.
 - Bevis for innbetalt jegeravgift³.
 - Bevis for godkjent skyteprøve³.
 - Våpenkort for våpenet som vert nytta under jakta (eventuelt utlånserklæring frå eigar av våpenet)².
 - Bevis for godkjend ettersøksavtale³.
- b) Jaktlaget pliktar å setje seg nøye inn i grensene for jaktfeltet. Eige kart skal fylgja kontrakten **eller vera tilgjengeleg på nett**.
- c) Jaktlaget skal etter at dyret er felt, *snarast råd og seinast innan 3 dagar*, gje melding til oppsyn/kontaktperson. Mangel på varsling blir rekna som brot på leigekontrakten. Jaktlaget skal merke av staden på kart og på førespurnad frå oppsyn/kontaktperson påvise fellingsstad i terrenget. **Slakteavfall skal liggja fritt**.
- d) Elgku som er i fylgje med kalv skal ikkje fellast før kalven.
- e) Kontrakten gir ingen rett til å avgrensa andre sin aktivitet på jaktfeltet, som ferdslø i samsvar med allemannsretten, bærplukking, småviltjakt, næringsutøving og liknande.
- f) På nærmare bestemte område kan det etter skriftleg samtykke frå oppsyn/kontaktperson avtalast å jakte inn på tilgrensande jaktfelt, og/eller få tildelt tilleggdyr av ledig kvote. Tilleggskontrakt skal underskrivast av oppsyn/kontaktperson og jaktlagsleiar.
- g) Etter søknad kan ein ta inn gjestejegerar og opplæringsjegerar
- h) **Ettersøk, forfylgjingsrett og avliving av såra storvilt skal fylgja Forskrift om jakt, felling og fangst §27. Viss det blir felt dyr som ikkje er løyve på skal ein med ein gong gje beskjed til Fjellopsynet/ kontaktperson.**

~~Med omsyn til ettersøksplikt, forfylgjingsrett og avliving av såra storvilt gjeld fylgjande: Den som under jakt skadeskyt storvilt, pliktar å gjere det — ein kan for å avliva dyret snarast mogleg. Jeger pliktar å forvise seg om påskote dyr er treft eller ikkje. Jegeren og jaktlaget som har skadeskote storvilt, skal ikkje oppta jakt eller påskyte nye dyr medan ettersøk pågår. Innan valdet sine grenser skal ettersøk om nødvendig halda fram ut dagen etter skadeskytinga. Dersom pliktig ettersøk fyrste dag er utan resultat, skal jeger eller jaktlag utan opphald melda frå til oppsyn/ kontaktperson og kommunen³.
i) Dersom det vert felt dyr som ikkje stemmer med til tildelinga, skal det utan opphald sendast ut beskjed til oppsyn/kontaktperson.~~

- i) Felling av dyr som ikkje inngår i kontrakt vert rekna som brot på leigekontrakten. Ved grov feilfelling eller andre spesielle hendingar kan fjellstyret krevja skriftleg rapport om hendinga frå jaktlag v/leiar og evt. frå oppsyn/kontaktperson.
- j) Dyr som ved ettersøk blir funne daudt og kjøtet vert kassert, skal takast på lagets kvote. Som hovedregel blir grunnavgift ikkje tilbakebetalt. Dyr som blir funne daudt etter at kommunal viltmyndigheit har gjeve beskjed om at ettersøk er avslutta, vert å rekna som fallvilt og skal ikkje takast på kvoten⁴.

4. Veging/kontroll

For hjortejakta skal det betalast ei på førehand vedteken grunnavgift for vaksne dyr og ei for kalv. Fellingsavgifter kjem i tillegg. For felte dyr skal det betalast kilopris pr. felte dyr med utgangspunkt i fylgjande gjennomsnittsvæker:

Vaksen bukk	75 kg.
Bukk 1,5 år	48 kg.
Vaksen kolle	55 kg
Kolle 1,5 år	42 kg
Kalv	22 kg.

I sluttoppgjeret for felte dyr vert grunnavgifta trekt frå.

Grunnavgifta skal betalast innan **15.august** etter påkrav. Dersom leiga ikkje vert betalt til rett tid, kan avtalen opphevast.

Fellingstad avmerkt på kart skal sendast utleigar, og «sett og skutt hjort» med **nøyaktige** slaktevekter, skal registrerast direkte på www.settogskutt.no seinast 5 dagar etter jaktslutt.

5. Ved jaktslutt

- Når jaktlaget har felt kvoten eller avslutta jakta før jakttida er slutt, pliktar jaktlaget straks å gje beskjed om dette til oppsyn/kontaktperson. Jaktlaget pliktar også å gi opplysningar og innlevere prøver/materiale/skjema som vert kravd¹.
- Etter at jakttida er slutt, skal rapportering skje så fort som mogleg, eller seinast fem dagar etter at jakta er avslutta¹. For sein rapportering vert rekna som brot på leigekontrakten.
- Betaling av fjellstyret sitt krav overfor jaktlaget skal skje innanfor dei fristar som er fastsette på innbetalingsgiroen. Forseinka innbetaling vert rekna som brot på leigekontrakten.
- ~~Etter at jakta er slutt, kan fjellstyret oversende rapport/statistikk om resultatet innen valdet/kommunen og aktuell region til jaktlaget.~~

6. Tvistar

- Tvistar i samsvar med privatrettslege avtalar skal i utgangspunktet løysast minneleg mellom partane.
- Brot på offentlegrettslege reglar vert rapporterte til politiet.
- ~~Fjellstyret kan ta saker inn for ei eiga sanksjonsgruppe for vurdering.~~
- Offentlegrettslege vedtak og einskildvedtak fatta av fjellstyret kan påklagast til MD innan nærmare fastsette fristar³.

Fotnotar:

1. jmf. forskrift av 8. mars 2004 om jakt, fangst og fiske i statsallmenning, samt rundskriv

2 jmf. lov av 9. juni 1961 nr. 1 om skytevåpen og ammunisjon mv.

3 jmf. forskrift av 22. mars 2002 nr 150 om utøvelse av jakt og fangst, **samt rundskriv.**

~~4. jmf. forskrift av 22.03.2002 nr. 0150 om utøvelse av jakt og fangst samt rundskriv til denne.~~